

Permiso otorga pa Tiara Air bula bek

ORANJESTAD – E compania aereo local Tiara Air lo re inicia su operacion na luna di juni. Ayera fuente consulta di e compania aki a informa na Bon Dia Aruba cu ya caba e permiso di Aeronautica Civil di Aruba ta cla.

Awor nan flota di avion ta den mantencion pa asina cuminsa bula bek aki dos luna. Tiara Air a stop su operacion despues cu nan a pasa den un

proceso di reorganizacion. Pero aspecto financiero debi na e situacion di Venezuela su maneho monetario a afecta cu e compania por a cumpli cu nan gastonan operacional.

Inicialmente Tiara Air tabatin plania pa bula atrobe na mita di januari ultimo, pero esaki a wordo posponi. Actualmente no tin ningun vuelo tumando luga di e compania aki. □

